



10:41 / 29.01.2021



ARMËMBAJTJE PA LEJE E POSEDIM I NARKOTIKËVE, TETË RASTE NË 24 ORËT E FUNDIT

Policia e Kosovës ka raportuar për tetë raste të armëmbajtjeve pa leje dhe posedim të narkotikëve vetëm në 24 orët e fundit në Kosovë.

Sipas raportit, rastet kanë ndodhur në Prishtinë, Prizren, Kllokot, Kamenicë, Fushë Kosovë e Gjakovë.

Në katër raste, rastet kanë pasur të bëjnë me armëmbajtje pa leje ku edhe janë konfiskuar armët, ndërkaq në katër rastet tjera, policia ka arrestuar disa të dyshuar për posedim të paautorizuar të narkotikëve.

Detaje nga raporti i Policisë:

Fsh. Nashec, Prizren 21.08.2020 – 01:28. Lidhur me rastin, më 28.01.2021 është shoqëruar në stacionin policor i dyshuari mashkull kosovar, pasi që muaj më parë në një aheng familjar kishte shtënë me pistoletë me gas. I dyshuari ka dorëzuar pistoletën me gas, e cila është konfiskuar. Me vendim të prokurorit, rasti shkon në procedurë të rregullt.

Kllokot 28.01.2021 – 13:45. Është arrestuar i dyshuari mashkull kosovar, pasi që tek i njëjti është gjetur dhe konfiskuar një pushkë ajrore me 19 copa diabolë. Me vendim të prokurorit, i dyshuari është liruar dhe rasti shkon në procedurë të rregullt.

Kamenicë 28.01.2021 – 14:55. Ankuesja femër kosovare ka informuar se nga burri i saj (i cili ka vdekur), ka trashëguar një pushkë gjuetie me 21 fishek. Pushka me fishek është konfiskuar. Rasti shkon në procedurë të rregullt.

Fushë Kosovë 28.01.2021 – 13:05. Është shoqëruar në stacionin policor i dyshuari mashkull kosovar, pasi që gjatë kontrollit i është gjetur dhe konfiskuar një pistoletë me 24 fishekë. Me vendim të prokurorit, rasti shkon në procedurë të rregullt.


Rr. Beqir Kastrati, Prishtinë 28.01.2021 – 03:15. Është arrestuar i dyshuari mashkull kosovar pasi që pas pjesëmarrjes në një rrahje dhe gjatë kontrollit nga policia tek i dyshuari është gjetur një sasi e dyshuar si substancë narkotike e llojit marihuanë. Në lidhje me rastin është konsultuar prokurori i shtetit i cili rekomandon që rasti të procedohet në procedurë të rregullt.

Rr. Mentor Ratkoceri, Prishtinë 28.01.2021-20:20. Njësia policore deri sa ka ndaluar një veturë civile dhe kur zyrtarët policor kanë kërkuar nga i dyshuari mashkull kosovar se a posedon diçka të jashtëligjshme, i dyshuari ka nisur vrullshëm veturën, mirëpo për shkak të pengesave në rrugë prej një automjeti tjetër i dyshuari braktis veturën dhe ik në këmbë duke gjuajtur një qese të vogël me substancë të dyshuar marihuanë të cilën njësia policore e ka konfiskuar. Lidhur me rastin janë intervistuar edhe dy dëshmitarët të cilët kanë qenë në veturën e të dyshuarit. Me urdhër të prokurorit kujdestar, vetura e të dyshuarit është konfiskuar dhe është dërguar në parkingun e stacionit policor.


Rr. Agim Ramadani, Prishtinë 28.01.2021-16:00. Është arrestuar i dyshuari mashkull kosovar pasi që gjatë kontrollit te i njëjti është gjetur substancë narkotike e llojit marihuanë m epeshe një(1) gram si dh enjë thikë të cilat janë konfiskuar. Pas intervistimit, me urdhër të prokurorit kujdestar, i dyshuari është liruar në procedurë të rregullt.

Rr. Mark Malota, Gjakovë 28.01.2021 – 02:35. Është arrestuar e dyshuara femër kosovare pasi që gjatë kontrollit nga policia, tek e njëjta është gjetur një sasi e vogël e dyshuar narkotike e llojit marihuanë. Në lidhje me rastin është konsultuar prokurori i shtetit i cili rekomandon që rasti të procedohet në procedurë të rregullt. Rasti vazhdon të hetohet. /Telegrafi/

I TË FUNDIT



Vidhen pajisje mekanike të radarëve në Aeroportin "Adem Jashari"



Grabiten stoli ari dhe dy telefona në një shtëpi në Fushë-Kosovë



E pazakontë, në Mitrovicë të Veriut vidhen "bitcoin"




SHKK parandalon futjen e kontrabandës në Qendrën Korrektuese në Dubravë




Arrestohet një 22-vjeçar nga Gostivari, kapet me substanca narkotike

I MË SHUME NGA KRONIKË E ZEZË




Vidhen pajisje mekanike të radarëve në Aeroportin "Adem Jashari"

Postuar 11:17 / 30.01.2021




Grabiten stoli ari dhe dy telefona në një shtëpi në Fushë-Kosovë

Postuar 10:39 / 30.01.2021




E pazakontë, në Mitrovicë të Veriut vidhen "bitcoin"

Postuar 10:37 / 30.01.2021




SHKK parandalon futjen e kontrabandës në Qendrën Korrektuese në Dubravë

Postuar 14:47 / 29.01.2021




Arrestohet një 22-vjeçar nga Gostivari, kapet me substanca narkotike

Postuar 12:42 / 29.01.2021




Një qytetar kapet me 500 litra rakë në portin e Barit

Postuar 12:37 / 29.01.2021




Mbi 4 mijë qytetarë u gjobiten per një javë në kuader të masave anticovid

Postuar 12:19 / 29.01.2021




Aksidenti i rëndë trafiku në Zakut të Podujevës, lëndohen nëntë persona

Postuar 12:14 / 29.01.2021




Arrestohet për prostitucion

Postuar 12:00 / 29.01.2021




Sulmohet fizikisht një zyrtar në Fushë Kosovë

Postuar 11:40 / 29.01.2021




Një muaj paraburgim për Skender Krasniqin

Postuar 11:24 / 29.01.2021




39 vjeçari vret bashkëshorten dhe djalin 5 vjeçar

Postuar 10:09 / 29.01.2021




Nën dyshimin se nuk kishte dokumentacion për kafshë i konfiskohen tre kuaj

Postuar 10:07 / 29.01.2021




Vrau vëllanë për pronë, gjykata e dënon me 24 vite burgim

Postuar 09:50 / 29.01.2021



Dyshohet se ia dha 40 euro policit për ta futur në Kosovë, arrestohet

Postuar 09:49 / 29.01.2021



Lëndohet një punëtor në vendin e punës

Postuar 09:49 / 29.01.2021